

1164 23
LES DIVINES
REVELATIONS
ET PROMESSES

FAITES A SAINT DENYS
PATRON DE LA FRANCE.
ET A SAINTE GENEVIEFVE
PATRONE DE PARIS,
EN FAVEUR DES FRANCOIS.

CONTRE LE TYRAN
MAZARIN.

Apportées du Ciel en Terre par l'Archange S. Michel.



A PARIS,
Chez CLAUDE BOUVILLE, rue des Carmes,
proche Saint Hilaire au Lys Fleurissant.

M. DC. XLIX.

REVELATIONS

ET PROMESSES

FAITES A SAINT DENYS
PATRON DE LA FRANCE

ET A SAINTE GENEVIEVE
PATRONNE DE PARIS

EN FAVEUR DES FRANCOIS

CONTRERETEN

MARIN

Approuvé par le Cardinal de France, Archevêque de Paris, le 15 Mars 1625.



A PARIS

Chez OLIVIER BOUVILLIER, rue des Carreaux,
proche Saint Hilare au Lys Fleuri.

M. DC. XLIX.



LES DIVINES REVELATIONS

Et promesses faites à saint Denys Patron de la France, & à sainte Genevieve Patronne de Paris, en faueur des François.

Contre le Tyran MAZARIN.

Apportées du Ciel en Terre, par l'Archange saint Michel.

L'ENFER estant ialoux des triumphes & des prosperitez de la France, suscita Iules Mazarin pour estre le funeste instrument de nos miseres & de nos malheurs, Et quoy que cet estranger eût l'obligation entiere à cette Monarchie de toute sa grandeur, pourtant par vne ingratitude sans exemple, son esprit poussé d'une noire malice a fait tous ses efforts pour la ruiner, en prolongeant la guerre qu'il eust pû esteindre à la gloire & à l'aduantage de l'Estat, en pillant tout l'or du Royaume par mille vexations sur le peuple, en consumant inutilement & honteusement nos armées de terre & de mer, en hazardant la gloire & la vie de nos Princes du Sang, en ne payât point les gens de guerre, en retranchant les gages des Officiers, & prenant les rentes de l'Hostel de Ville, qui pour la pluspart appartiennent à plusieurs orphelins, & les pensions, qui sont les plus fermes moyens par lesquels nos Roys s'acquierent des creatures & affermissent leur autorité & leur trofne, en laissant perdre & consumer les garnisons dans les meilleures & plus importantes places de cet Estat à faute de payement: Et en vn mot en ruinant & mettant au desespoir les grands & les petits, & taschant de faire perdre aux plus vaillans & aux plus considerables l'affection & le zele que la naissance & les loix obligent d'auoir pour leurs Princes & pour leur Patrie.

Mais son execrable meschanceté & sa trahison (qu'on auoit desia descouuert en plusieurs remarquables occasions) a entierement esclaté & paru deuant les yeux de tout le monde, par l'insolente

hardiesse qu'il a prise d'enleuer nostre ieune Roy, & d'alumer la guerre Ciuille dans le cœur du Royaume, après l'auoir saccagé & reduit aux derniers abois par ses horribles concussions, estant assez facile de voir par ce noir attentat, qu'il est d'intelligence avec les Ennemis de cet Estat, & qu'il leur veut faciliter le moyen de se venger de leurs pertes passées, & de reconquerir toutes les Villes que la vertu & la valeur de nos Princes & de nos Generaux ont si glorieusement gagnées; Il veut dis-ie, non seulement fauoriser les Espagnols, mais il semble qu'il vueille aussi consumer & destruire le nom François, en allumant le feu dans la Maison Royale, en declarant la guerre au plus celebre Parlement du monde, & à la plus belle & admirable ville de l'Vniuers: bref les furies infernales ont tellement eschauffé son ame perfide, ambitieuse & ingrate, que le venin qu'il exhale & le feu qu'il en iette seroient capables de nous perdre de fonds en comble, si la main secourable du Tout-puissant ne nous deffendoit contre ce denaturé vipere, & si nous ne sçauions que toutes les Puissances celestes sont armées à sa ruine, & que le Dieu des vengeance decochera bien-tost les traits les plus aigus de sa colere contre cet insolent Salmonée.

Ouy, nous en sommes asseurez par la diuine bouche de Iesus-Christ qui nous a annoncé la fin tragique & miserable de cet orgueilleux, & afin que personne n'en doute, ie m'en vay vous décrire ce qui se passa dans la Cour celeste sur ce suiet.

Le grand Apostre des Gaules, le glorieux S. Denis Patron de cette Monarchie, & l'admirable sainte Geneuiefue Patronne & protectrice de la ville de Paris, ayans cogneu les malicieux & detestables desseins que le Mazarin auoit contre toute la France, & notamment contre le Parlement & contre le peuple de Paris, & voyant que si cela continuoit plus auant que la ruine & la desolation entiere de l'un & de l'autre estoit inuitable, quitterent promptement les sieges rayonnans de gloire, sur lesquels ils s'estoient assis alentour du Trosne de Dieu; & s'allèrent prosterner aux pieds de la Tres-sainte Trinité, qui comprend vn seul Dieu dans son triangle; & intercedans pour la France, prierent le mesme Dieu qu'il luy pleust d'appaiser sa colere, & de retirer les fleaux de la guerre & de la famine qui menaçoient les François: Alors le Tout-puissant respondit par la Sacrée bouche de son Fils, ces paroles pleines de iustice & de merueille: Ne vous estonnez pas, Bien-heu-

5

heureux Saints, si les iniquitez des François m'ont obligé à deployer mes verges contre eux, & si estant leur pere, l'affection que ie leur porte m'oblige à les chastier: Mais soyez assurez de la continuelle protection que ie veux porter au Royaume des Fleur-de-Lys & à son ieune Roy, lequel ie veux combler de toutes mes graces & benedictions, rendant son Regne paisible & sa personne triomphante de toutes les Nations de la Terre: & encore qu'il vous semble que mon indignation soit extreme: Consolez-vous, & vous resioüissez, & assurez les François de ma part, que ie feray bien-tost trébucher ce superbe Tyran qui les veut perdre, & que ie vengeray son ingratitude dans son sang; Je suis le Dieu de Paix, & le iuste Iuge, qui briseray comme du verre cet orgueilleux, & qui remettray ce Royaume en sa premiere splendeur, donnant repos aux affligés, & confusion à ceux qui ont persecuté les innocents, & comme ie suis le Dieu Tout-puissant, qui sonde les cœurs & les pensées des hommes: Je sçay bien que ce méchant dont ie me suis seruy pour chastier toute la Chrestienté, n'a iamais conceu que des choses mauuaises, pour enfanter les maux qu'il a faits, & que son ambition extreme & son auarice insatiable l'ont poussé à commettre plusieurs trahisons contre le Royaume de France, duquel ie vous ay estably Patrons & Conseruateurs; & que ce meschant a secrettement fait sa Paix avec le Roy d'Espagne, qui est son Prince naturel, aux despens de toute la France qu'il a ruinée, à dessein de la rendre si foible qu'elle ne pût se defendre contre ses Ennemys, qui autrement n'en sçauroient venir à bout; Mais soyez assurez que ie tiens le sang des François si pretieux, & la personne de leur Roy si chere, que ie dissipéray les desseins de cet ingrat & perfide, & que ie m'en vay le rendre semblable à vne petite nuée qui passe & qui s'éuanoüit en vn instant; Car comme ie vous ay souuent annoncé par mes Prophetes: *Les hommes sanguinaires, cruels & pleins de fraude ne paruiendront point à la moitié de leurs iours.* Et pource que ce malheureux a enforcélé l'esprit de la Reyne Regente, & que s'est sous son autorité qu'il a commis impunément tous les crimes. Pouriray & illumineray les yeux de l'entendement de cette Princeesse, & encore qu'elle soit incessamment obsédée par les Pensionnaires de cet infidele Ministre, qui luy cachent tout ce qui la pourroit obliger à luy vouloir du mal, & qui ne l'entretienne iamais que de choses admirables & à son auantage,

pour engager cette pauvre Reyne à le cherir & à le protéger : Je dissiparay toutes ces pratiques d'iniquité, & feray voir à découuert tous ses crimes, en sorte que cette Princeſſe, (dont le naturel, quoy que les meſchans puiſſent dire, eſt remply de bonté enuers ſon peuple, & de deuotion enuers moy) ſera honteuse d'auoir ſupporté ſi long temps ce traître, & ſera la premiere à le chaſtier de ſon ambition criminelle. Et les Princes du ſang qui le protegent à preſent chacun pour ſon intereſt, ſeront confus d'auoir fait la guerre à leur Patrie pour vn ſi meſchant homme, qui n'a apporté parmy eux que de tres-meſchantes & tres-pernicieuses maximes, contraires à la generoſité & à la franchise, qui regnoit auparauant dans la Cour des Roys de France.

Eſtant au reſte veritable, & ie le feray bien toſt cognoiſtre aux François, que le mal pour lequel ils gemiſſent à preſent, & pour la guerison duquel ils m'adreſſent leurs vœux & leurs prieres, ſera conuertie en vn tres-grand bien par mon admirable prouidence, car premierement ie vous declare que ie leur donneray vne victoire entiere contre ce perfide Eſtranger : mais auſſi ie feray en ſorte que eſtans plus fidelement gouuernez à l'aduenir, ie ſusciteray de tres-sages Conſeillers qui prefereront le bien & le repos du public au leur particulier, & qui donneront de ſi bons mouuemens à la Reyne, qu'eſtant deſabuſee de cette chimere d'Eſtat, & de ce vain pretexte d'authorité Royale, ils luy feront cognoiſtre, que la plus grande force, la plus grande ri cheſſe, & la plus grande authorité des Princes Souuerains, conſiſte dans l'amour & dans l'affection de leurs ſuiets, dans l'inuiolable obſeruation des Loix, dans la recompense de la Vertu & dans la ſeuere punition des crimes : mais ſur tout dans la pieté & dans la crainte qu'ils doiuent auoir pour moy, qui comme i'ay ſouuent annoncé par la bouche de mes Prophetes & de mes Apoſtres, eſt le commencement de toute la ſageſſe humaine. Je vous auertis auſſi, dit Ieſus-Chriſt ; Que i'enuoyeray mes inspirations à la Reyne, afin qu'elle eſtabliſſe proche de la perſonne de ce ieune Roy des perſonnes plus ſages & plus gens de bié que ceux qui y ſont à preſent, pour luy dōner la veritable teinture des Roys & les plus ſalutaires preceptes qu'il faut qu'il ſuiue, pour ſe rendre parfait, & pour ſe faire aimer & reuerer de tous les peuples de la Terre ; Je feray qu'il ſera ſemblable à Melchisedech Roy de Sa-lem, c'eſt à dire, qu'il ſera Roy de Juſtice & Roy de Paix, & que par le moyen de ces deux Colomnes, ſon Troſne ſera eſtably & rendu

florissant & perdurable.

Que s'il faut faire la guerre, ie luy donneray des mouuemens si iustes, si Chrestiens & si genereux, qu'il aymera mieux mourir que d'épancher vne goutte de sang Chrestien, & l'extirpation des Infideles Mahometans, sera le seul but de ses royales armes, & esteignant les flambeaux funestes qui embrasent la Chrestienté, il ira en Affrique combattre ces Monstres qui sont Ennemys iurez des Fideles & qui tiennent dans l'esclavage ceux qui croient en moy.

Après ces Diuines Promesses, Iesus-Christ semblant auoir finy son Discours, saint Denys & sainte Geneuiefue s'inclinerent & se prosternerent aux pieds du Sauueur, & ayant rendu graces à sa Misericorde & à sa Diuine bonté, ils le prièrent encore avec beaucoup de zele & beaucoup d'ardeur, de vouloir retirer Mr. le Duc d'Orleans & Mr. le Prince du dessein qu'ils semblent auoir de protéger, & de seruir de garde-fou à ce maudit Mazarin, & ne permettre pas que de si vaillans & si glorieux Princes (qui se sont acquis vn renom immortel par vne infinité de grands & admirables exploits, que leur victorieuse espée auoit acheuez,) après auoir si dignement conserué leur Patrie voulussent à present luy faire vne guerre mortelle, & autoriser les trahisons & la tyrannie de cet infidele Ministre. A quoy Iesus-Christ respondit: Il n'est encore temps ny necessaire que ie vous descouure les moyens dont ie me veux seruir pour paracheuer mon œuure, vous verrez vn iour, & cela ne tardera pas beaucoup, que ces valeureux Princes, (qui semblēt à present faire vn cruelle guerre à la France & notammēt à la ville de Paris, qui crie desia contre eux, comme s'ils estoient des Parricides) seront vn iour les plus puissans instruments dont ie me seruiray pour la restauration de cet Estat; & qu'ils seront ceux qui hairont le plus ce meschant Ministre lors qu'ils auront descouuert ses pernicieux desseins; & vous verrez qu'ils luy fairont rendre gorge; car pour le present ces Princes croient de bien faire en obeyssant à la Reyne Regente, qui de son costé sera bien tost desabusée, & ie feray voir à tout le peuple, que si elle a failly, ce n'a point esté à mauuaise intention, & qu'elle a creu que le bien & le seruice du Roy son fils exigeoient d'elle toutes ces choses.

Et quant aux Princes de Conty, d'Elbeuf, de Longueuille, de Beaufort, de Bouillon, & le Marechal de la Mothe-Haudancourt, qui sont les prin-

cipaux Generaux des Troupes que le Parlement a mis sur pied pour sa legitime deffence : Et encore tous les autres Princes, Ducs, Marquis, Comtes, grands Seigneurs & Gentilshommes, ie les tiendray sous ma protection, & sous l'ombre de mes ailes, & tant qu'ils procederont avec la generosité qu'ils ont fait paroistre pour le bien du public, & qu'ils se despoüilleront de toutes passions de haine, de vengeance & de rapine, ie beniray leurs armes, & les rendray victorieux, pource que ce qu'ils font, n'est que pour auoir vne paix durable, & pour banir l'iniquité, les rapines & l'iniustice, qui ont regné iusques icy dans l'esprit des principaux Ministres, & sur tout de Mazarin. Et pource que le Parlement de Paris n'a eu pour but que le soulagement des oppressez, & qu'ils se sont monstrez les veritables Protecteurs des Peuples, ie les beniray, & les conserueray contre leurs ennemis, & i'inspireray à tous les autres Parlements de France de s'vnir avec eux contre le Tyran, & l'ennemy commun de tous les François. Bref ce loup rauissant estant exterminé, & sa memoire esteinte, ie mettray le troupeau en seureté, & luy enuoyant mes plus sainctes benedictions, ie conuertiray les maux en des prosperitez de longue durée, & toutes les nations admireront & beniront mon pouuoir, qui seul fera toutes ces merueilles.

Lors que nostre Dieu & Sauueur Iesus-Christ eut acheué ces admirables promesses, tous les Saincts, tous les Anges & les Archanges qui assistent deuant le Trosne de Dieu, commencerent à chanter diuers Hymnes, & Cātiques d'actions de graces ; & S. Denis, & Sainte Geneuiefue reuinrent benissans & glorifians Dieu, prendre leurs places dans leurs sieges rayonnans de gloire ; & Iesus-Christ commanda à l'Archange S. Michel, qui est aussi vn des Protecteurs de ce Royaume, d'apporter en mesme temps ces reuelations & ces diuines promesses dans l'Eglise de S. Denis, & dans celle de Sainte Geneuiefue, & les poser sur le grand Autel d'icelles, où l'on les a trouuées esrites en lettres d'or sur vn papier merueilleux de couleur azurée, qui disparut au mesme moment qu'on en eut fait des copies. En sorte que nous deuons admirer la bonté merueilleuse de nostre Dieu, & nous abattre deuant sa face glorieuse, & adorer en toute crainte & humilité ses Iugemens & sa Prouidence, & confesser que nostre pouuoir est bien petit, & que sans son assistance miraculeuse il n'y auroit en nous que foiblesse, & que confusion. Gloire donc soit à luy aux siecles des siecles. Amen.